



疹科纂要

邯山馬之騏纂

94  
1068



享保元丙申歲仲秋日

千里必究  
不許翻刻

新刊 疹科纂要

江城書坊

松葉軒貞躬版

松

疹科纂要

目錄

- |        |        |
|--------|--------|
| 疹通論    | 疹症治大畧  |
| 疹潮熱症治  | 疹出沒傷風  |
| 疹汗渴飲水  | 疹出沒煩燥  |
| 疹出沒謔語  | 疹出沒喘嗽  |
| 疹喉痛失音  | 疹嘔吐腹痛  |
| 疹出沒泄瀉  | 疹出沒痢疾  |
| 疹出沒便血  | 疹飲食瘡毒  |
| 痘瘡後蓋痘疹 | 疫病發斑夾斑 |

西村正齋圖書

傷寒發斑癩疹

孕婦麻疹發斑

水痘症治

麻疹効方



疹科纂要

邯山馬之騏纂  
北海崔良定  
南譙金鐸較正

麻疹通論

夫嬰兒麻疹固與痘症大不相侔。即與斑疹癩疹亦不相似。蓋麻疹乃心肺六腑蘊積熱毒。發自脾肺二經。因積熱受風寒。傷飲食。時氣薰觸。心火太過。燔燥肺金。肺主皮毛。故其邪發於皮膚之上。出為細疹。狀如蚊蚤所咬。點點紅色。赤斑遍身。甚則疊腫。有小顆粒。隨出隨沒。沒則又出。俗名糠瘡。又曰楚瘡。其症初發熱時。畧類傷寒。傷風而

實異亦與痘瘡症候相類但痘瘡自裏而出于五臟屬陰主血故痘瘡有形而有漿麻疹自表而出於六腑屬陽主氣故麻疹有形而無漿多實熱而無寒亦有戰慄似寒者乃熱極生陰反作寒耳切不可作寒症治之雖發自脾肺二經其本原淺而易出較痘瘡為易然倏忽變化為症最急自初出一二日以及愈後月餘虛者百日皆不可以其易而忽之經曰痘前疹後信哉

若初生嬰兒未及滿月或百日內外或未生痘瘡之先遍身發出紅點如粟米狀滿月內外各為爛衣瘡百日內外及未生痘瘡之先各為癩疹蓋兒在母腹中為陰血之氣薰蒸已久生後忽遇陽風一逼遂發此疹不治自愈

其當  
作溫

若痘瘡愈後放心縱欲飲食過度外感風寒痘愈數日之後身忽畧熱遍身即出紅點大小不一亦如粟米之狀作癢愈抓愈盛如雲成

片名為雲頭疹又名蓋痘疹非其疹也勿以為真疹而畏之  
若天行疫癘大人小兒或傷寒濕熱大便秘結熱氣流於胃中忽發紅班隱於皮膚之內有色點而無顆粒如錦文狀者無跡且平名曰發班其症有陽毒陰毒之殊總皆熱毒所致非真疹也不可與疹同治

若心火燠乎肺金紅點隱於皮膚之間發則多痒或不仁者是有風濕之殊色紅者火也亦皆熱毒所致其症多屬於脾狀隱隱然故名曰癩疹亦不可與疹同治

麻疹症治大畧

麻疹為實熱之症。屬熱與痰在肺。其發也多。因風熱兼痰而作。浮於皮膚。有小顆粒。隨出隨沒。沒則又出。故雖值寒天。亦不可重加衣被。而過於熱。恐毒入咽喉。令其聲啞。麻疹不出。致有變症。為害不小。治療之法。宜清肺火。降痰。主乎解散。惟期發表。出透為妙。汗之即愈。亦有可下者。故初熱時。先宜發散。次清利。次清熱。次補血。蓋發散則風熱散。清利則肺金清。清熱則心火瀉。免致金受火剋。則症自輕。然麻疹屬陽。熱甚則陰分受損。血多虛耗。必宜滋養陰血。此首尾所宜當。瀉心火。清肺金。散風熱。滋陰養血。為主。不可少動其氣。宜通聖散中消息用之。如人參白朮半夏一切燥悍之藥。皆不可用。即升麻升動。

依此調  
治萬無  
一失

陽氣上冲。亦不可多用。蓋麻疹標屬陰。而本屬陽也。苟麻疹未愈。輕用溫熱燥之劑。多致牙齦腫爛。雖氣血虛弱。亦必待麻疹愈後。方用補虛養血調理脾胃之藥。斯乃萬無一失。不則毒氣壅遏。頓生音嘶。不可不慎。此治麻疹之大端也。

麻疹潮熱症治

麻疹初發時。畧類傷寒。而迥異。蓋其增寒壯熱。頭痛。臉赤。目赤。頰紅。身體疼痛。此畧類也。至其火熱太盛。多咳嗽噴嚏。鼻流清涕。眼光如水。眼胞浮腫。眼角生眵。眼淚汪汪。惡心乾嘔。恒欲飲水。或痰涎吐瀉。不思飲食。大便急而小便澀。則皆熱之所致。為迥異耳。然有熱一二日而出者。有發熱五六日而出者。或有發熱七八日而出者。症候未

暈當  
作葷  
下同

明。疑似之際。但覺潮熱。即宜升麻葛根湯。加紫蘇葱白。一服。煎服。或  
 參蘇飲。去人參。半夏。陳皮。腹痛。亦用陳皮。加砂仁。煎服。被蓋。微表之。  
 得汗。自頭至足。方漸漸減去衣被。則皮膚通暢。腠理開豁。自無留毒。  
 而疹易出矣。若有未出。亦不可再表。既表之後。即宜謹避風寒。勿  
 食生冷。戒忌酒肉。鷄魚。一切腥暈等物。如外犯風寒。內傷腥冷。輕則  
 癰疹生。痰嗽。或驚搐。重則皮毛閉塞。毒氣難出。遂變紫黑而死矣。  
 如食酒肉。鷄魚。腥暈等物。則毒入脾胃。必至疹疹後生。瘡癩。下流木  
 腸。為泄瀉。白痢。等症。流入小腸。則小水赤澀。為血痢。等症。俗謂白痢  
 屬冷。血痢屬熱。者非也。戒之戒之。疹疹未出時。發熱吐瀉。交作。三  
 日內出。耳後項上。腰腿先出。一日出三次。二日再出六次。見點紅活。

顯露形小。明淨頂尖。不長。隨出沒。三四日方收者。順症也。不治自愈。  
 疹未出時。發熱。乾霍亂。身體極熱。欲出不出。隱伏皮內。發出不快  
 者。險。宜升麻葛根湯。加麻黃。即出。疹未出時。發熱喘促者。險。宜三  
 拗湯。加煨過石膏。茶葉。名五虎湯。治之。疹未出時。發熱面先青黑。  
 乃毒氣攻心者。逆。宜內托散。消毒湯。以解之。不然則必死。身體極  
 熱。隱伏不出。或帶紫色。不明。或不突起。與肉下平。或一二日就沒。喘  
 嗽。痢下者。逆。宜解表。急。即用麻黃湯。以發之。胡荽酒。以擦之。緩則  
 用升麻葛根湯。加石膏。黃芩。以解之。麻疹正出時。身猶太熱。宜升  
 麻葛根湯。加黃芩。地骨皮。治之。若以手摸之。疹色白起。手即紅者。血  
 虛。宜養榮湯。主之。正出色。紅者。火盛。宜化斑湯。主之。或人參白虎

湯。色紫赤乾灰燥暗大渴飲水不止乃火盛毒熾宜六一散解之。或四物湯去地黃加紅花黃芩進之。或黃連麥門冬湯亦可。大熱不退加柴胡黃芩升麻葛根牛旁子玄參。色黑紫乃內外熱甚而血結者逆必須急速解表宜葛根麥門冬散。生地黄散升麻葛根湯。或荆防敗毒散加桅仁。或雙解散有痰加杏仁無汗加麻黃。若其色變黑者宜黃連杏仁湯主之。或山梔子湯。化斑湯速解治之。緩則不及矣。故曰初發赤白者生黑紫者死。蓋赤疹屬陽遇清冷而消白疹屬陰遇暖溫而滅。故皆可生。若所發黑紫者內熱甚而血結自無可生之理矣。麻疹已出曉其疹色正而身猶大熱宜升麻葛根湯白虎湯倍加牛旁子玄參。既出已過三日不能沒落乃內有虛熱宜

湯下脫字加

四物湯治之。如有失血之症加犀角汁解之。麻疹已沒落身猶大熱宜升麻葛根湯黃連地骨皮治之。麻疹已沒落別無他症但餘熱不除宜黃連解毒湯調益元散治之。麻疹已收平之後數日猶有餘熱未盡復再發熱日夜不退每夜煩燥謔語狂亂失血且多驚搐重出一番麻疹比前畧少此乃心血耗散餘毒熱甚先治失血急用犀角地黃湯解毒湯一劑再用四物湯加遠志肉三分甘草二分服一劑而血止。若謔語狂亂驚搐再煎五苓散調辰砂益元散一錢服之。諸症自無。凡遇此症血實者易治血虛者難治。總之麻疹前後燒熱不退飲食不進等症并屬血虛血熱宜四物湯按症加減以滋陰補血渴加麥門冬犀角汁嗽加瓜蒌仁痰加貝母陳皮內

多實熱宜四物湯加參蓮防風連翹以涼其中而退其陽。凡汗不透燒熱不退倍加熟蕪葉葛根白芷等藥助之當得大汗去病如掃。蓋麻疹屬陽陰血被陽熱煎耗作熱故以滋補陰血為主其熱自除所謂養陰退陽之義也。

麻疹出沒傷風

當發表後麻疹正出之時偶遇大風大寒或內傷生冷疹隱隱於皮膚之內時有時無欲出不出如物影之搖動謂之影疹急宜升麻葛根湯化班湯或活血散治之其麻疹不日即出如小便不通熱甚宜四苓湯加梔子木通。若不急治則皮膚閉塞毒氣壅滯或下片白下片紅下片紫喘滿腹脹腹痛反復變亂危亡立至。如出一

日而沒乃為風寒所沖忽然沒落急宜消毒飲治之若不急治毒氣內攻痒爛而死。既見三日退後若有被風之症亦宜消毒飲神效。麻疹退後不可當風苟見風太蚤下腫即消必體瘦肌黃恐防病自致生麻風瘡如有麻風瘡宜大連翹飲加牛旁子防風金銀花爛處敷生肌散。

麻疹汗渴飲水

麻疹得汗為妙固不可無汗亦不可過於汗如初熱時未曾用藥表自然多汗遍身流出如水此則腠理開泄內毒盡從汗出順症也。不必再用藥表亦不可驟便止汗如汗出太多不止乃毒盛致液妄行宜用五倍子三錢為末唾津調為餅敷貼臍上其汗即止。麻疹



烏梅酸而飲不可輕用

與傷寒同一熱病二者未有不作渴者傷寒發渴得水而生麻疹發渴亦可飲水但不可多如麻疹渴時只宜常服葱白湯或以穀粗糠用滾水濃淋候溫飲之稍涼亦可使毛竅中常微汗潤澤其疹自出自無發搯之症或以烏梅一兩熬水二鍾入井水中浸涼每用一盞免涼水一盞徐徐飲之如熱不退渴不止宜服化班湯救劑亦不妨渴止熱減住服或人參白虎湯其渴即止大熱不退作渴人參白虎湯主之不可飲水過多過則恐生水搯之病蓋熱極而渴者心也水既入心傳於脾為吐嘔瀉痢脾傷水五苓散主之傳於肺為喘為嗽肺傷水清肺飲加白五末少許主之白五即白牽牛子傳於腎為小便不利為陰囊浮腫傳於肝為脇痛為筋軟為影脈肝與腎傷水亦用五苓

散加木通車前子以泄膀胱之水則肝腎之病除矣

麻疹出沒煩燥

未出煩燥宜升麻葛根湯加紫蘇葱白一根已出煩燥宜黃連解毒湯加白虎湯沒落煩燥宜黃連解毒湯加麥門冬地骨皮

麻疹出沒譫語

初出實熱火盛譫語宜升麻葛根湯加調辰砂益元散已出譫語宜黃連解毒湯調辰砂益元散譫語熱甚昏昧不省人事宜黃連解毒湯沒落譫語者凶宜燈心湯調辰砂益元散

麻疹出沒喘嗽

初出咳嗽宜升麻葛根湯加麻黃若發熱咳嗽三五日不出者以

胡荽酒擦之。或炒胡荽子以薄綿包裹。乘熱熨身上。亦即出矣。已出咳嗽。宜涼膈散。加桔梗地骨皮。若已出三四日之間。發熱咳嗽。聲音不出。乃火毒在肺與胃中急。宜用涼水調兒茶散。數次。庶火退而聲音即出。再服清金降火湯。自愈。若咳嗽痰不出。發散後。宜瓜蒌仁黃蓮枳實甘草煎服之。沒落咳嗽。宜涼膈散。加桔梗地骨皮五味子。總之。疹疹前後咳嗽。皆係麻毒不可輕視。宜服參蘇飲湯白散。或防風通聖散。皆可。若久嗽頓成疹後風。或令咽喉出血。急宜服麥門冬清肺飲。若不急治。傷及脾胃。胸高腹脹。喘急滿悶。唇面青白。紅紫枯黯。顏色不正。口鼻出血。則難治矣。故麻疹退後。須謹避風寒。戒水濕。忌食鷄魚鵝鴨。不則終身咳嗽。患風瘡。傷眼目。無有愈日。

切宜戒之

麻疹喉痛失音

麻疹喉痛。宜甘桔湯。加玄參。痛甚者。加玄參鼠粘子。或桔梗湯。或以冷水磨山查根服之。麻疹聲啞無音。宜桔梗湯。加荆芥防風玄參。或兒茶散。或以冷水磨柯子服之。麻疹沒後聲啞不出。宜清金降火湯。若沒落聲啞八九日。聲啞不出無音。宜兒茶散服之。即愈。

麻疹嘔吐腹痛

麻疹嘔吐。五苓散。加化班湯。主之。夏月五苓散。加黃連滑石。乾嘔。五苓散。加竹茹。腹悶。五苓散。加藜蘓香附。熱盛腹痛。煎五苓散。調益元散。或水磨山查子服之。

麻疹出沒泄瀉

初出未出泄瀉宜升麻葛根湯加五苓散去桂。若夏月更將四苓散煎湯調益元散服之。四苓散即四苓湯已出泄瀉宜黃連解毒湯加五苓散去桂。或人參白虎湯最妙。沒落泄瀉宜黃連解毒湯加導赤散。搃之麻疹吐瀉宜四苓湯加牛蒡子柯子切不可溫勿用豆蔻木香乾薑之類。又須分別新久寒熱新瀉熱瀉宜四苓湯加木通熱極瀉清黃水宜黃連解毒湯合涼膈散治之水瀉黃白宜五苓散加減瀉黃去桂加木瓜瀉白吐乳宜同蘇合丸治之。泄瀉米穀不化傷食者宜四苓湯加消導藥久瀉宜豆蔻丸或五倍子鴛粟壳燒灰水調澁之。寒瀉者十棗鴨下如有傷食生冷不得已以理中湯一服

鴛粟壳作嬰

即止。凡泄瀉宜用藥。寒之藥以治之不可用參芪等甘溫之藥必瀉止後脾胃虛弱方可用參芪等藥以補之。

麻疹出沒痢疾

麻疹出時痢謂之來疹痢宜黃連解毒湯加枳壳白芍。沒落後痢赤白宜黃芩湯黃連解毒湯等劑治之。沒落後多食油膩厚味致久痢不已此因積膩肝傷餘毒留在大腸不可速止宜先清利其毒而後補之先用大黃黃連枳壳柳以疎利之或用三黃湯加枳壳枳壳同煎調益元散服之可愈。若妄投澁藥一服即止則內毒上攻令其嘔吐不食禁口不語二三日毒攻大腸或下鮮血或下如屋漏豆汁遂成不治之症矣。

麻疹出血便血

麻疹發熱時。鼻中血出。此毒從鼻血而解。不可驟然即止。如血出太多。是火毒太盛。逼迫太過。致血妄行。宜當歸六黃湯一劑即愈。初出鼻口出血。宜升麻葛根湯加炒梔子仁。已出鼻口出血。宜黃連解毒湯加梔子仁。童便。沒落後。牙根腐爛。鼻血橫流。並為失血之症。宜急用四物湯。加山茵陳。木通。犀角之類。以利小便。使血下行。外用獨棗丹治之。不可緩。麻疹初出。大便出血。宜升麻葛根湯加犀角地黄湯治之。小便便溺赤。宜升麻葛根湯加木通。已出及沒。大便出血。宜黃連解毒湯加犀角地黄湯治之。沒落湯加犀角地黄湯治之。小便便溺赤。宜黃連解毒湯加木通。沒落

濁疑當作

後溺赤。如耳濁者。宜五苓散加車前子木通。搃之。麻疹心火未散。發為嗽血吐血衄血。失血下血。或傷眼目。俱宜犀角地黄湯主之。若失於發表。熱毒不得出。內攻五臟。眼角耳中出血不止。大便出血不止者。逆宜急用升麻葛根湯加當歸六黃湯治之。可救一二。凡痰嗽失血。以及大人酒色過度。損傷肺腎。真陽咳嗽吐痰衄血吐血。咳血咯血等症。宜服苦寒甘寒之藥。以生血降火。不可用參芪等甘溫之藥。

麻疹飲食瘡毒

麻疹正出時。雖不大飲食。但其色紅白潤澤者。無妨。蓋熱毒未解。不必食也。若數日不食。飲水宜清。胃養脾解毒為主。毒退自然飲食如

常用調中湯去藁朮加黃連自利者減太黃胃弱者勿下沒落後不食宜四物加神麩砂仁麥芽一二服自能食矣如胃氣虛勿下。疹疹忌食鵝鴨卵如犯傷胃。忌食薑椒熱物如犯胃火上觸口舌生瘡宜人中白炒過為末少許撒之即愈。人中白即尿桶上垢之白者忌食甘甜如犯致生牙疳宜獨棗丹擦之。疹前後縱意多食甘甜之物濕熱動而疳疔色白者皆不治逆症。麻疹愈後牙根潰爛肉腐出血臭氣冲人皆因疹後未服解毒清利之劑以致餘毒遊熱不退積於皮膚入於胃中久而不散故誤此症宜清胃飲涼膈散獨棗丹等劑治之以退胃火可無木裏唇口多瘡而極痒。似傷寒狐感之病若不急

治。上下唇俱為虫蝕腐爛。及昏悶失聲。遂為不治之症。宜急用化虫丸治之。雄黃散擦之可愈。疹夾疔毒宜涼膈散加當歸生地黃。麻疹沒後生瘡疥及眼目疾宜黃連解毒湯加減治之。

痘瘡後蓋痘疹

痘瘡愈後數日之間內傷飲食外感風寒身忽少熱發出。一身紅斑作痒愈抓愈盛如雲成片名為蓋痘疹。一名雲頭疹宜三仙散再加防風黃連消積食除風熱以免瀉痢之患。

疫病黧班夾斑

天行疫病大便秘結熱毒入胃忽發紅班隱於皮膚無迹且平名為黧班若身熱作渴宜白虎湯加大青玄參一劑而愈。麻疹正出忽

發紅點者名為夾班宜小散胡湯加當歸生地黃

傷寒發班癰疹

此班疹症即今俗謂傷寒穀黍之症。又謂紅眼傷寒之症。有色點而無顆粒者曰發班。隱於皮膚發則多痒。曰癰疹。屬風熱來痰而作。其發類傷寒乃痰熱之病症之發於外者也。亦有自裏而發於外者。其症有陽毒陰毒之不同。陽脉浮數洪大。內外結熱極深。面赤。狂亂。舌捲焦黑。鼻若烟煤。四肢煩燥。狂言譫語。如見鬼神。下利頻多。不安。發點斑爛。名為陽毒。陰脉沉細。疾實。眼痛。口青黑。咽喉不利。身體沉重。背強。不能轉。四肢厥冷。毒氣攻心。小腹急痛。乾嘔吐。身發班點。名為陰毒。濕毒。皆熱毒所致。或瘟病下之。太蚤。熱氣乘虛入胃。或下

之太遲。熱氣鬱積胃中。或服熱藥過多。胃氣熱甚。及內傷熱症。虛火灼於脾肺之間。皆發紅班。是為癰疹。亦皆熱毒之所致也。至於丹疹。亦是惡毒熱血。蘊蓄於命門。遇君相二火合起。即發。亦有時疫腫毒。咽喉堵塞。亦臟腑積熱之所致。大約初發赤班者多。生初發黑班者多。死。丹疹先從四肢起。而後入腹者死。六脉洪大者。陽毒也。宜汗而解之。如失汗。則邪傳入臟腑。毒熱在裏不散。致狂亂妄語。如見鬼神。面赤。四肢煩燥。發出班爛。下痢瘀血。又加遍身自汗。口如魚口。開張者死。若能過七日。則過經。陽熱退。方有可救之理。六脉沉細而疾者。陰毒也。體重。眼痛。小腹急痛。口青黑。四肢厥冷。咽喉不利。宜速灸臍下。丹由關元穴。以回陽氣。陰氣自散。若過六日。乃陰極。

陽生方可望生。其治療之法。無問大人小兒。黑斑紅斑。瘡癩癰疹。并宜防風通聖散為末調服之。或以通聖散中消息用之。宜微汗以散之。切不可下。或以化斑湯升麻葛根湯。玄參升麻湯。通加羌活防風荆芥桂枝芍藥。隨宜酌用。合上諸方煎服。外用黃瓜水調伏龍肝去紅點斑。風熱夾痰而作。自內發外者。宜通聖散以微汗散之。發斑似傷寒者。痰熱之病。發於外。宜升麻葛根湯以微汗散之。有屬裏者。因胃熱助火。入於太陽陰肺。故紅點如斑。出于皮毛間。宜白虎湯。瀉心散。調胃散。承氣湯。從長選用之。內傷發斑者。胃氣極虛。一身之火。遊行于外。所致。宜補以降之。於陰症例中求之。或調中湯。陽毒宜陽毒升麻湯。梔子仁湯。傷寒時氣陽毒發斑。

陽疑

西華書局

胃實之人。候服熱劑。或加以風暑。宜陽毒升麻湯。胃爛發斑。因陽明胃實。或失下。或失之太蚤。所致。宜化斑湯石膏湯。陰毒濕毒。宜黃連橘皮湯。調中湯。升麻鱉甲湯。黑膏傷寒時氣。濕毒發斑。宜玄參升麻湯。重用荆防敗毒散。時氣斑。宜石膏湯。瘟疫發斑。癰疹痛痒。宜大青四物湯。加味敗毒散。犀角消毒散。解毒防風湯。加味羌活散。消風散。葛根橘皮湯。丹疹如遇熱時。宜通聖散。辛涼之劑。解之。寒月以升麻葛根湯。辛溫之劑。解之。冷丹屬血風血熱。宜通聖散。若瘀血相搏。宜用蟬壳薑蚕荆芥南星。以治之。時疫腫毒。疔瘡。或臟腑積熱。發於頭項咽喉。堵塞水漿不下。或面赤熱甚。六脉洪浮。宜漏蘆湯加升麻黃芩木黃。各一錢。大青葉。即木藍葉。玄參。各二錢。煎服。乳核。因

胎毒兩腋生痲。後腹脹。赤疹如霞。成疔者。取剪刀草杆汁。調原蚕沙敷之。即愈。凡傷寒汗不透。倍加葱蘓葉。葛根白芷。辛藥助之。當得大汗。去病如掃。凡傷寒時氣。大病熱退之後。先服參芪甘溫之藥。以扶元氣。隨即服滋血生津潤燥之藥。

孕婦麻疹發斑

孕婦麻疹。當以安胎清熱為主。宜四物湯倍加白朮。條芩。艾葉。服之。則無胎危而疹易出矣。疹出不快。宜白虎湯。合升麻葛根湯。倍加玄參。牛蒡子。治之。胎氣上冲。急用芩根。艾葉煎湯。磨枳。榔。服之。再以四物湯進之。熱甚。胎氣不安。服固胎飲。數劑。如又不愈。腹痛腰酸。即知胎有必墮之機。如胎墜。即以產法論。先用大補。次用他症藥。胎

胎氣上冲用土  
炒白朮  
五錢酒  
炒黃芩  
六錢加  
枳榔  
許服之

雖動而嬾可生。蓋麻疹宜裏空。熱毒隨胎氣而下也。

水痘症治

水痘之症。亦類傷寒之狀。面赤唇紅。眼光如水。咳嗽噴嚏。唾涕稠粘。身熱二三日而出。明淨如水泡。易出易靨。與痘瘡大不相同。雖不為害。亦不宜燥溫。苟或溫之。則痂難落。而成爛瘡。亦不冢食。薑豆生薑。沐浴冷水。恐成瘡疥。水腫始覺。及出長。宜服麥湯散。

麻疹効方

內方名雖重。而藥則異。用者詳症用之。

升麻葛根湯 治大人小兒時氣。溫疫。頭痛。發熱。肢體煩疼。及痘疹疑似之間。並宜服之。

葛根 升麻 白芍 甘草 各一錢 一方各等分



助當  
作助

右切細水一鍾煎至半鍾去渣稍熱服日二三服按升麻大解  
疫毒升陽於至陰之下以助發生之氣葛根能解熱毒疎通榮衛  
為藥養陰血制陰虛甘草解諸毒瀉邪火是皆麻疹切要之藥也  
蓋麻疹屬火有實熱而無寒熱甚則陰分受損血多虛耗故也

參蘘飲

紫蘘 乾葛 前胡 白茯苓 枳壳 桔梗 甘草 人參

半夏 陳皮 各等分

右細切用水一鍾生薑三片棗一枚煎至七分溫服

三拗湯 治感冒風寒鼻塞聲重語音不出咳嗽急

生甘草 麻黃帶根 杏仁帶皮煎各等分

右細切用水一鍾薑五片棗二枚煎至七分溫服以得汗為度痰  
滑乃止每服或三錢或五錢

內托散 治一切惡瘡

綿黃芪 甘草 金銀花 牡礪 火淬二次各三錢

右為末水一鍾煎至七分入黃酒一鍾再煎至七分隨瘡上下食  
前後服

消毒湯 治一切惡瘡腫大膿已成未成等症

紫花地丁去蘆 金銀花 當歸 大黃酒浸 赤芍 黃芪各五分

甘草錢加升麻

右細切作二服每服酒一鍾銀磁器煎至半鍾溫服

內托千金散

治腦背癰疽乳便痔惡瘡

人參 川芎 當歸 黃芪 芍藥 甘草 瓜蒌 白芷

官桂 桔梗 金銀花 防風

右等分細切每服七八錢或一兩水一鍾煎七分入酒半鍾去渣  
溫服痛甚倍當歸芍藥或加乳香一錢日進三服服後遍身汗出  
或瘡口內有黑血出即藥之效未成膿者自散已成膿者自透不  
用針破累試累效

麻黃湯 正夏夏後不可用有汗不可用

麻黃去根節水泡 肉桂 甘草各一錢 杏仁十個去皮煎炒黃色

右細切水一鍾煎至七分溫服覆卧得汗即愈

養榮湯

當歸 川芎 芍藥 地黃等分 人參 白朮 黃芪  
甘草減半

右細切水一鍾煎至半鍾食前溫服

化斑湯

石膏四錢 知母 玄參各一錢五分 甘草一錢 糯米一合

右細切水一鍾半煎一鍾約米熟為度

人參白虎湯 治麻疹化斑發疹止渴如神

知母 石膏各一錢 桔梗 人參各五分 甘草二分  
右細切水一鍾竹葉七片煎至半鍾溫服

六丁散 一名益元散

減當  
作臍

滑石 減白者研細水飛過晒乾六兩粉 甘草 炙一兩

右為細末每服一二錢凉水溫水任意調服

四物湯 當歸 芍藥 川芎 地黄 各等 春倍川芎 秋倍地黄 夏芍藥 冬當歸

右細切水一鍾煎至七分溫服

黃連麥門冬湯 治煩渴火盛飲食不止

黃連 九節者去毛鬚 麥門冬 肥大者以苦瓠汁浸去心各二兩

右細切每服一二錢至三五錢止水煎去渣溫服

葛根麥門冬散 治熱毒斑疹頭疼壯熱心神煩悶

葛根 麥門冬 各三人參一錢石膏五錢升麻 甘草 茯苓

赤芍 各二錢

右為末每服二錢水一鍾煎至七分溫服

生地黃散 治斑駁疹毒身熱口乾咳嗽心煩

生地黃 五錢 麥門冬 七錢 杏仁 湯泡去皮 款冬花 陳皮 甘草 炙二錢半

右細切每服二三錢水一鍾煎至七分溫服

生地黃散 治鬱熱衄血或咯血吐血皆宜服之

枸杞 片 柴胡 黃連 地骨皮 天門冬 白芍 甘草

黃芪 黃芩 生苈 熟苈

右各等分細切水一鍾煎至七分溫服下血加地榆

駁當  
作駁

荆防敗毒散

荆芥 防風 羌活 獨活 茯苓 川芎 枳殼 前胡  
甘草 人參 熟胡 桔梗 各四分

右細切水一鍾薄荷五葉煎至七分溫服

雙解散 即防風通聖散與益元散相合治小兒瘡疹用此解出極快及治風寒暑濕飢飽勞役內外諸邪所傷以致氣血拂鬱變成積熱發為汗病襍病用此通解得汗即愈

防風 川芎 當歸 赤芍 大黃 麻黃 薄荷 連翹  
芒硝 各二分半 石膏 黃芩 桔梗 各五分 滑石 一錢五分  
甘草 錢荆芥 白朮 枳仁 各一分 以上六錢六分四厘係防

風通聖 滑石 三錢 甘草 五分 益元散

右細切水一服水二鍾生薑三片葱白一根豆豉三十粒煎至一鍾去渣溫服自內達外正所以發攻表裏之熱也表裏俱實者用此最效若自利去大黃芒硝自汗去麻黃

黃連杏仁湯 治小兒邪熱斑疹咳嗽煩悶嘔逆清水眼赤咽舌生瘡泄瀉

黃連 一錢 陳皮 杏仁 麩炒去 麻黃 去節 枳殼 麩炒去穢 葛根 各五分

右細切水一鍾煎至七分溫服泄瀉加甘草厚朴

山梔子湯

外科醫要

梔子仁 白鮮皮 升麻 赤芍 各一錢 寒水石 甘草 各五分

紫草 薄荷 各少許

右細切水一鍾煎至半鍾溫服

黃連解毒湯

黃連 黃柏 黃芩 俱酒浸炒 梔子仁 炒 各五分

右細切水一鍾煎至七分溫服

犀角地黄湯

生犀角 牡丹皮 各五分 生地黃 一錢 白芍 一錢

右細切水一鍾煎至七分溫服

五苓散

澤瀉 一錢 猪苓 赤茯苓 白朮 各五分 桂心 一分半 執甚去

右為細末白湯調下或清米飲新汲水調下俱可

辰砂益元散 治小兒中暑吐瀉小儀赤少夜卧不寧心煩作渴

益元散 一兩加辰砂 一錢五分

右研勻每服一二錢至五錢止用燈心竹葉煎湯調服嘔吐生薑

湯調服

活血散

白芍 不俱多少酒浸焙

右為細末每服二錢溫酒調下

四苓湯

外科纂要

俱嘗  
作拘

赤茯苓 猪苓 澤瀉 白朮 各等分

右細切水一鍾煎至七分溫服

消毒飲

牛旁子炒三錢 荆芥 防風 升麻各一錢 甘草五分

右細切水一鍾煎至七分溫服

大連翹飲

連翹 瞿麥 荆芥 木通 車前 赤芍 當歸 防風

柴胡 滑石 蟬壳 甘草 山梔 黃芩 牛旁各等分

右細切水一鍾煎至七分溫服

生肌散

散 一 黃連 黃柏 五倍子 各等分

右為白皮散乾搽瘡上

清肺散

五味子十粒 麥門冬 當歸身 人參 生芩各五分 黃芪二錢

右細切水一鍾煎至一鍾去渣食後溫服

白虎湯

石膏四錢 知母一錢五分 甘草一錢 粳米一合

右細切水一鍾半煎至一鍾酌米熟為度去渣溫服

涼膈散

連翹四錢 大黃 梔仁 薄荷 黃芩 甘草各二錢

朴硝 一錢 一方不用各等分

右為粗末每服二三錢水一鍾竹葉五片蜜少許煎至七分食服  
兒茶散 治麻疹聲啞無音

孩兒茶 五錢 硼砂 二錢

右為細末每服一匙用凉水一鍾調下

清金降火湯 治麻疹後熱火乘金咳嗽聲啞不出

當歸 酒浸 白芍 酒炒 生芩 酒洗 陳皮 貝母 去心 甘草 山梔

枳殼 酒炒 玄參 麥門冬 去心 石膏 桑白皮 杏仁 紫蘇

各等分

右微 一鍾生薑一片煎至七分溫服

食下  
後字  
脫漏

汗疑  
當作  
肺

瀉白散 一名瀉汗散 治肺氣壅盛咳嗽不已

桑白皮 地骨皮 各一兩 甘草 炙二錢

右為末每服三四錢粳米百粒食後溫服

麥門冬清肺飲 治疹後咳嗽或出血或喘湯水等症

知母 貝母 天門冬 麥門冬 桔梗 甘草 杏仁

馬兜鈴 冰皮 石膏 火煨各等分

右細切水一鍾糯米一撮煎至七分溫服

又麥冬清肺飲 治脾胃虛弱氣促氣喘精神短少或衄血吐血等

症

紫苑茸 一錢 黃芪 白芍 甘草 炙各七分 人參 麥門冬

當歸 各五分 五味子 九粒

右細切水一鍾半煎至水一鍾食後溫服

井桔湯 治咽喉腫痛

桔梗 二錢 甘州 一錢五分或等分 一方加防風 一錢五分 一方

加牛旁子連翹 各一錢

右細切水二鍾煎至一鍾食後服

桔梗湯 治同上

磨梗 少五分 半夏 二錢 牛人參 井艸 各一錢五分

右細切每服三錢或五錢水二鍾煎至一鍾食後溫服

導赤散

人參 木通 麥門冬 生地黄 甘草 各等分

右細切水一鍾煎至七分溫服

蘇合丸

白朮 青木香 硃砂 另研水 烏犀屑 沉香 麝香 另研

柯子 煨去核 丁香 安息香 另為末用酒 葶藶 白檀香

香附 錢炒各二錢 龍腦 另研 薰陸 另研 蘇合油

右為細末研勻用息香膏蘇合油併煉蜜為丸如櫻桃大每服一

丸生薑葱白自然汗化開白湯調下

豆蔻丸

赤石脂 枯白礬 木香 砂仁 各二錢 白龍骨 柯子肉

汗當  
作汁



熱當  
作熱

肉苳蔻 麩暴煨熱各五錢

右研細末，麩糊為丸，如黍米大，一歲服三，五九三歲百丸，米湯送下。

理中湯

白朮一錢炮 乾薑炮各五分 甘草二分五厘 一方加茯苓

白五分 一方加陳皮五分

右細切水一鍾煎至七分溫服

黃芩治疹後赤白痢

煎炒 黃連去蘆炒 當歸酒洗 川芎 人參 青皮去穢炒

枳殼去穢炒 檳榔 甘草 木耳各等分另研為末臨服入

右細切水一鍾煎至半鍾溫服如未愈再煎調益元散服

三焦湯 治三焦火盛煩渴不生肌肉積熱結滯臟腑心膈煩燥咽

喉腫痛小便赤澁大便秘結併宜服之

黃連去蘆 黃芩去腐 大黃煨各等分

右細切每服四錢水煎空心溫服或研細末煉蜜為丸如梧桐子

大腦麩為丸每服五九至十九熱水送下

白朮黃芩湯 治痢疾調和脾胃

白朮一兩 黃芩七錢 甘草三錢

右細切每服三錢水二鍾煎至一鍾去渣食前溫服

當歸六黃湯

當歸 黃芪 各一錢 生芩 黃柏 黃芩 黃連 各七分 一方

寺分倍加黃芩

右細切水二鍾煎至一鍾臨卧食前通口服小兒減半

地黃湯 治小兒鼻衄血

川芎 生地黄 赤芍 當歸 各寺分 蒲黃 少許

右細切水煎七分溫服

獨惠丹 治一黃疹後牙疳牙根潰爛肉腐出血等症

本丸 枳殼 去核 雄黃 米粒一塊

右將雄黃入惠肉內燒灰存性研末米泔煎湯煮鹽少許漱口

搽之

調中 治夏秋之間暴寒折于盛熱結于四肢則壯熱頭疼寒

傷于胃則下利或血或水或黃或赤服之

黃芩 七錢 藁本 白朮 葛根 芍藥 桔梗 茯苓

甘草 炙 蘇枳

右細切水一鍾煎至八分溫服得痢即止不利再服

清胃飲 治口腫熱藥或食辛熱之物致使牙疼牽引頭腦滿面紫

熱木痛喜寒惡熱等症

當歸身 黃連 夏月倍用 生芩 酒洗各三 牡丹皮 五分 升麻 一錢

右細切水一鍾煎至半鍾涼服

化虫丸 治諸虫細小者皆為化水大者自下

為化 當作 化為

鶴虱去土 栴榔 苦練根東引不 出者 胡粉炒 各一兩 白礬明淨者 燒二

右為細末米糊為丸如梧桐子大量小兒大小加減一歲五十九

漿水入生麻油三四點打勻送下清米飲亦可

又化虫湯 能化虫為水

硫黃一兩 木香五錢 蜜陀僧三錢 附子一枚炮乾另為細末

右先以附子末用醋一鍾熬成膏餘為細末以附子膏丸如菉豆

大每服二十九荆芥茶清下

雄黃散 治小兒因痘疹牙齦生疳蝕瘡

雄黃一兩 銅綠二錢

右研為極細末量瘡大小乾摻其上

綿黃散

治因痘疹身體肢節生疳蝕瘡膿水不絕及大人小兒

鵝等症

出蚕鵝綿黃

生白礬末不拘多少填實其內

右用炭火燒令礬汁盡為度細研乾摻瘡上乳鷲用竹筒載藥吹

入喉中

三仙散

山查 神麴 麥牙 各一兩

右為細末每服二錢入白沙糖一分百沸湯調下

小柴胡湯

柴胡 人參 黃芩各一錢 甘草炙 半夏姜泡七次 生地黃各七分

右細切水一鍾薑三片葱一枚煎至七分溫服

防風通聖散 因症加減俱詳載於方後用者察之

防風 川芎 當歸 芍藥 大黃 薄荷 麻黃 連翹

芒硝 各五錢 石膏 黃芩 桔梗 各一兩 滑石 甘草 各

荆芥 白朮 梔子 各三錢 一方有砂仁無芒硝

右為粗末每服三錢水一鍾薑三片煎至六分溫服 生癰疹或

赤或白倍加去節麻黃鹽豉葱白發汗罷依前方加四物湯黃連

解毒湯三藥合煎日二服 勞汗當風汗出為酸鬱去苦硝倍加

芍藥當歸 鮮利四時傷寒加益元散一錢生薑三片葱白三根

鹽豉一撮水一大碗煎六七沸溫服一半以鷄鵝翎探之即吐

後更服一半汗出立解 諸風潮搐及小兒急慢驚風大便秘結

邪熱暴甚腸胃乾燥寢汗咬牙目睛上竄睡語不安轉筋驚悸倍

大黃梔子煎調茯苓末二錢如肌肉蠕動者調羌活末一錢打

破傷損肢節疼痛腹中惡血留滯不下加當歸大黃煎調乳香沒

藥末各一錢風傷於肺涎激喘急加半夏桔梗紫苑煎服各子

錢 氣逆者煎調木香末一錢是 頭旋腦熱鼻塞濁涕時下加

薄荷黃連煎服 飲酒中風身熱頭疼加黃連葱白煎服 腰脇

走注疼痛加硝石當歸甘草煎調車前子末海金沙末各一錢是

小便淋閉去麻黃加滑石連翹煎調木香末一錢痢後兩脚

腫痛足脛枯腊名曰鶴膝風煎服之 按此方不可無生薑同煎

乃治諸風熱燥三者之總劑也。蓋風本於熱，極則風生，燥生于風。動則燥至，是風熱燥三者其定一源流也。故此一方能兼治之。觀其用防風麻黃薄荷荆芥，使邪熱從六腑出也。用梔子滑石，使邪熱從小便出也。用大黃芒硝，使邪熱從大便出也。其餘黃芩散肺火，連翹散心火，石膏散胃火，芍藥散脾火，川芎當歸和血潤燥，白朮一每當歸和中，桔梗開膈，其間並無一味辛香燥熱之藥，故於開泄三者之症，百發百中，無有施而不可者，真良方也。

通聖散  
 川芎 當歸 麻黃 薄荷錢五 連翹 白芍錢五 黃芩  
 石膏 桔梗 甘草各一兩 滑石三兩 荆芥 梔子 白朮各一錢五分

溫濕疑

右研細末，每服三錢，生薑三片，搗爛煎湯調下，如身疼，加蒼朮羌活，痰嗽加半夏。

玄參升下 治瘧疾咽疼，濕毒發狂，傷寒失下，熱毒在胃，發斑或成癰，後餘毒不散，表虛裏實，發於外，甚則煩燥，謔妄，宜服之。  
 玄參 升麻 甘草 各一錢

右細切水一鍾，煎至七分，溫服。

瀉心散 治心經邪熱，狂言妄語，心神不安。  
 龍腦 牛黃 硃砂 各一錢五分 大黃 生一兩  
 右各另為末和勻，再研，每服三錢，涼生薑湯密水調下。

又瀉心散 治心經蘊熱

黃連不拘多少

右為細末水調服之

調胃散

蒼朮 厚朴姜汁炒 陳皮錢各五 茯苓 丁香 白朮

甘草 厚朴

右為細末以沸湯入鹽點二三錢或粗末入薑棗水煎溫服

調中湯 治內傷外感所發陰班

蒼朮一錢半 陳皮一錢 藿香炒 砂仁 甘草灸 桔梗去蘆 白芷

半夏泡七次 枳壳 羌活各七分 川芎五分 麻黃去節 桂枝各三分

右細切水二鍾生薑三片煎至一鍾溫服

陽毒升麻湯 治陽毒赤斑及傷寒一二日間身發斑爛或吐舌後

陰毒半日即背疼痛面赤狂言喉腫下利脈浮大

升麻 射干 黃芩 人參 甘草 各等分

右細切水一鍾煎至一鍾食前溫服

施子仁 藥各一每傷寒發熱發狂百節疼痛身發斑爛煩燥面赤

咽痛

施仁 赤芍 知母 升麻 柴胡 石膏 黃芩 各一錢

甘草五分 杏仁去皮煎 豆豉一百粒 方加大青一錢

右細切作二服每服水一鍾薑三片煎七分溫服

石膏湯

石膏一兩 梔仁一錢 大青 升麻 芒硝各一錢五分 豆豉一合  
葱白五分 生薑五錢

右細切水一鍾半煎至七分去渣入芒硝候溫徐服之

黃連湯

黃連一錢 梔仁一錢 橘皮 杏仁去皮尖 枳實 麻黃去節湯泡  
葛根各二錢 厚朴 姜製甘草炙各一錢

右細切作四服每服食後服五言也然溫服

升麻鱉甲湯

升麻二錢 當歸三錢 鱉甲二十錢 蜀椒二十粒 犀角一錢 雄黃四分

雄黃

治食毒赤斑及熱毒

溫膏

右細切水二鍾煎至一鍾去渣調雄黃末溫服

治溫毒發斑由冬月太煖入受不正之氣至春發斑如綿文  
犀角浮脉屬陽沉脉屬陰皆宜服之以消疫毒之氣

雄黃半斤 香豉一斤

右細切水一鍾煎二劑合煎之取濃汁如膏用雄黃麝香如葶藶大

各一錢 藥各一錢 膏內攪勻每服彈子大一塊白湯化下

大青四物湯

大青四錢 阿膠炒成味 甘草炙各一錢 香豉一合

右細切水一鍾煎至七分溫服

加味敗毒散治瘟疫發斑及癰疹等症或因虛而感冒風濕發斑

疹科纂要

并宜服之

羌活 獨活 前胡 柴胡 當歸 川芎 枳壳 桔梗

茯苓 人參 各五分 甘草 薄荷 各二分半 加白朮 防風

荆芥 蒼朮 芍藥 生苜 各五分

右細切水二鍾煎至一鍾調犀角末溫服

犀角消毒丸 治一切癰疽疔毒

牛蒡子 炒四錢 荆芥穗 防風 去蘆各二錢 甘草 一錢

犀角 一錢另錢為末 服六之

右細切水二鍾煎至一鍾調犀角末溫服

解毒防風湯 治誤班及癰疽痒痛

防風 一錢 地骨皮 黃芪 芍藥 荆芥穗 枳壳

牛蒡子 炒各五分

右細切水二鍾煎至一鍾溫服

加羌活散 治感四時不正之氣發為癰疽

兼以水 薄荷 各一錢 人參 桔梗 甘草 枳壳 炒 川芎

天麻 桑葉 各一略五錢 蟬脫 薄荷 各三錢

右細切水二鍾薑三片煎至一鍾溫服

消風散 治諸風上攻頭目昏眩項背拘急鼻嚏聲重耳作蟬鳴及

皮膚頑麻痒癢癰疽癩人血氣頭皮腫痒等症

荆芥穗 甘草 各二兩 陳皮 白焙去 厚朴 姜製去粗皮 人參 去蘆



白薑蚕炒 防風去蘆 藿香葉 白茯苓 川芎 蟬脫去土炒

羌活 各一兩一方各等分

右為細末每服二錢感風頭痛鼻流清涕荆芥湯茶清調下遍身

瘡癩溫酒下

伍當 葛根橘皮 治風瘡斑駁疼濕始發頰面心悶但嘔清汁

葛根 橘紅 杏仁 知母 黃芩 麻黃 甘草 各等分

右細切每服五錢水一鍾煎至七分溫服

漏蘆湯 治臟腑積熱發為腫毒時存疣瘡頭面紅腫咽嗑填塞水

藥不下一切危惡疫癘

漏蘆 升麻 大黃 黃芩 桑葉即大藍青 玄參 各等分

右細切每服二三錢水一鍾煎至七分溫服熱甚加芒硝

又方漏蘆湯 治五腫丹毒及一切瘡毒腫初覺二三日便如傷

寒頭疼煩渴拘急惡寒肢體疼痛視重恍惚亂坐卧不寧皮

膚壯熱大便秘澁小便赤黃并宜服之 惟孕婦忌服

漏蘆水一欵 黃芩 麻黃 朴硝 升麻 甘草炙 枳實去白

一方加連翹去枳實芍藥

一方加連翹枳壳地丁金銀花去甘州枳實芍藥餘各等分大

黃地丁金銀花減半

右細切每服三錢水一鍾煎至七分空心熱服或加薑三片薄荷

三分煎以利下惡物為度

固胎飲 止痛安胎

地黃 川芎 各五分 當歸身 人參 白芍 陳皮 各一錢  
白朮 黃芩 各一錢 甘草 三分 黃連 黃柏 各一分  
桑上羊兒藤 七葉園者

右細切每服二錢入糯米二十粒水一鍾煎至七分溫服痛加砂仁

金匱當歸散

治胎動不安妊婦宜常服之乃養血清熱之要劑也

當歸 川芎 白芍 黃芩 各一兩 白朮 五錢  
右為細末每服方寸匙空心酒溫茶湯任下日三服

石膏六合湯

治妊婦傷寒身熱太渴蒸熱而煩

傷下  
寒字  
脫飲

四物湯 四錢 石膏 知母 各五分 四物湯乃當歸地黃川芎白

右細切水一鍾半煎至一鍾溫服

升麻六合湯

治妊婦傷下後過經不愈濕毒發斑如綿文者

四物湯 四錢 升麻 連翹 各七分

右細切水一鍾半煎至一鍾溫服

凡安胎用藥一乃上中二焦藥降火下行用砂仁止痛行氣若

血虛胎不安阿膠主之

麥湯散 治水痘

地骨皮 炒甘草 炙滑石 各一方 麻黃 去節 人參 熟芩 知母  
甜葶藶 羌活 各三分

右為粗末水一鍾小麥七粒煎至半鍾溫服

疹科纂要大尾

享保元丙申歲仲秋吉日雕刻成

江城書坊

松葉軒

萬屋清兵衛開版



